

## **Ilisimasortat pillugit inatsisip ilaata Kalaallit Nunaanni atortuulersinneqarnissaanik Peqqussut**

UAGUT MARGRETHE AAPPAAT, Guutip Saammaanneranik Danmarkip Dronningia, nalunaarpugut:

Ilisimasortat pillugit inatsimmi, inatsit nr. 567, 9. juni 2006-imeersoq, umiarsuarni inuttat pillugit inatsisip, imarsiornermik ilinniartitaanerit pillugit aamma ilisimasortat pillugit inatsisip allannguutaannik inatsimmi nr. 478, 30. maj 2012-imeersumi § 3-kkut, pinngitsoorani digital atorlugu attaveqatigiinneq il. il. pillugit inatsimmi aalajangersakkat allannguutaannik inatsimmi nr. 1231, 18. december 2012-imeersumi § 64-ikkut, imarsiornermik inatsisip allannguutaannik inatsimmi nr. 618, 12. juni 20013-imeersumi inatsisinili assigiinngitsuni allani § 4-kkut aamma Danpilot pillugit inatsimmi nr. 600, 12. juni 2013-imeersumi § 16-ikkut allannguuteqartitaq naapertorlugu aalajangersarneqassaaq:

### Kapitali 1

#### *Inatsisip atuuffii*

§ 1. (Kalaallit Nunaanni atortuulersinneqanngilaq).

§ 2. (Kalaallit Nunaanni atortuulersinneqanngilaq).

### Kapitali 2

#### *Nassuiaatit*

§ 3. (Kalaallit Nunaanni atortuulersinneqanngilaq).

### Kapitali 3

#### *Ilisimasortanik atuineq*

§ 4. (Kalaallit Nunaanni atortuulersinneqanngilaq).

§ 5. (Kalaallit Nunaanni atortuulersinneqanngilaq).

§ 6. (Kalaallit Nunaanni atortuulersinneqanngilaq).

§ 7. (Kalaallit Nunaanni atortuulersinneqanngilaq).

§ 8. Ilisimasortaqaqarnermut atatillugu ilisimasortap naatsorsuinertaqanngitsumik pisussaaffigaa ilisimasortanngorniamik ilaqarnissaq sanileralugulu ilinniartinnissaa imaluunniit ilisimasortamik allamik ilaqarnissaq taassuma imartamut ilisimasaminik puijutsaaliniarnissaa pillugu, ilisimasortanngorniaq imaluunniit ilisimasortaq alla ilisimasortaqaqarfimmiit unammillertigisamiit aggersinneqassagaluarpataluunniit.

*Imm. 2.* Ilisimasortaq aammattaaq pisussaaffigaa ilisimasortanngorniap imaluunniit ilisimasortat allat ilisimasortamit ilisimasortaaqatigisimasat misilitsinneranni peqataanissaq.

*Imm. 3.* Søfartsstyrelsi imm. 1 aamma 2 pillugit malittarisassiorsinnaavoq, ilanngullugit ilisimasortamik allamik imaluuniiit ilisimasortanngorniamik ilaqarnissami atugassaatic, piukkunnaateqarneq pillugu misilitsinnissamat aggersaanissa aamma aningaasartuutini sulinikkullu akissarsiaasaagaluanit annaasanut matusiviginninnissaq pillugit.

§ 9. Søfartsstyrelsi malittarisassiussaaq umiarsuup naalagaata ilisimasortallu akornanni pisunut tunngassutillit aamma ilisimasortap nerisaqartitaanissaa inissaqartitaanissaalu pillugit paasisstisseeqatigiinnissaq pillugu.

§ 10. (Kalaallit Nunaanni atortuulersinneqanngilaq).

#### Kapitali 4

##### *Ilisimasortaanissamat akuerineqarneq*

§ 11. (Kalaallit Nunaanni atortuulersinneqanngilaq).

*Imm. 2.* (Kalaallit Nunaanni atortuulersinneqanngilaq).

*Imm. 3.* Ilisimasortatut taagornissaq inerteqqutaavoq ilisimasortatut allagartamik atuussinnassusilimmik peqanngikkaanni.

§ 12. Søfartsstyrelsi qinnuigineqarnikkut ilisimasortatut allagartamik tunniussaqaarsinnaavoq, qinnuteqartoq

- 1) ima qaffasitsigisumik ilinniagaqaarsimappat umiarsuarmik angissusaa apeqqutaatinnagu ingerlassisisinnaalluni,
- 2) umiarsuup naalagaatut imaluuniiit aquttuunertut ukiuini arlalinni misilittagaqaareersimappat pineqartutut umiartornissamiit,
- 3) peqqissutsimigut piukkunnarpat,
- 4) ilisimasortaaftissami angalanissamat immikkut ilisimaarinnillunilu misilittagaqaareersimappat,
- 5) atuagarsornikkut taamatullu ilisimasortamut saniliusarnikkut sungiusagaalluni ilinniarnermik naammassinnissimappat,
- 6) ilisimasortaanermi immikkut ittunik aqutseriaasissani ilinniarnermik naammassinnissimappat,
- 7) piukkunnaateqarnermik misilitsinnissatut aalajangerneqartumi angusisimappat,
- 8) ilisimasortaqarfimmut attuumassuteqarpat aamma
- 9) pisortanut akilerneqartussangoreersunik annertuunik akiitsoqanngippat, tamatumani aningaasat 50.000 kr.-it sinnerlugillu pineqarput.

*Imm. 2.* Søfartsstyrelsi erseqqinnerusunik malittarisassiussaaq siuliini taagorneqartutut piumasagaatit pisariaqarneratullu piumasagaatit ilassutaajunnartut pillugit.

*Imm. 3.* Pisuni immikkut ittuni Søfartsstyrelsi patsisissaatic imm. 1, nr. 1-imi aamma 2-mi taaneqartut pillugit immikkut akuersissuteqartarsinnaavoq. Taamaattorli umiarsuarni ilisimasortap nammineq ingerlannissaannut ilinniartitaaffiginngisaani ilisimasortaanissamat ilisimasortatut allagartamik tunniussisoqanngisaannassaaq.

*Imm. 4.* Imarpikkoortaatini ingerlatsinissamat allagartamik nunat allat pisortaqarfiinit suliaasumik piginnittup allagartani danskit taassumatulli allagartaannut taarsertissinnaanngilaa.

*Imm. 5.* Ilisimasortatut allagartamik piginnittup allagartamik nutaamik tunineqarnissamat patsisissaatic naammassinnaajunnaarunigit allagartani Søfartsstyrelsimut tunniutissavaa.

§ 13. (Kalaallit Nunaanni atortuulersinneqanngilaq).

## Kapitali 5

### *Ilisimasortatut pisussaajunnaarneq*

§ 14. Umiarsuarni aquttut, imartanik taamatullu umiarsuarnik imaluunniit umiarsuit qanoq-ittuunerinik ilisimannilluartut, Søfartsstyrelsimit tunineqarsinnaapput ilisimasortatut pisussaajunnaarnissamut uppenarsaammik, ilisimasortaqaarnissaq pisussaaffiugaluartoq ilimasortamik atuinani umiarsuarnik ingerlatsinissamut pisinnaatitsissutaasumik.

*Imm. 2.* Ilisimasortatut pisussaajunnaarnissamut uppenarsaat piffissami killilimmi atuussinnaassusilittut tunniunneqassaaq aatsaallu nutarterneqarsinnaassalluni Søfartsstyrelsip erseqqinnerusumik aalajangiinera malillugu.

*Imm. 3.* Søfartsstyrelsi erseqqinnerusunik malittarisassiussaaq ilisimasortatut pisussaajunnaarnissamut uppenarsaammik tunineqarnissaq pillugu, ilanngullugit piumasaaqatit, misilittagaqareernermit aamma misilitsinnernut uppenarsaatit pillugit.

*Imm. 4.* Ilisimasortatut pisussaajunnaarnissamut uppenarsaammik piginnittup pisussaajunnaarnermut uppenarsaat Søfartsstyrelsimut tunniutissavaa, uppenarsaammik tunineqarsinnaanissamut patsisissaatit naammassisinnaajunnaarunigit.

## Kapitali 6

### *Ilisimasortaqaarfii nunamiittut*

§ 15. (Kalaallit Nunaanni atortuulersinneqanngilaq).

## Kapitali 7

### *Ilisimasortaanerup saniatigut ilisimasortat pisussaaffii*

§ 16. Ilisimasortat umiarsuarmut paasissutissiissapput pissutsit umiartornermi isumannaatsuunissamut, avatangiisinut imaluunniit inuiaqatigiit tungaasigut sianigisassat allat pingaarutillit pillugit.

*Imm. 2.* Ilisimasortat pissutsinik maluginiakkaminnik umiartornerup isumannaatsuunissaanut, avatangiisinut imaluunniit inuiaqatigiit tungaasigut sianigisassanut allanut tunngasunik pisortaqaarfimmut susassaqtumut nalunaarusiortassapput.

*Imm. 3.* Søfartsstyrelsi erseqqinnerusunik malittarisassiussaaq ilisimasortat imm. 1 aamma 2 pillugit pisussaaffii pillugit.

## Kapitali 8

### *Ilisimasortaanermi sulinikkut avatangiisit*

§ 17. Søfartsstyrelsi malittarisassiorsinnaavoq suliap immikkut ittuunera naapertuutigalugu sulinikkut avatangiisit- aamma piffissat qasuersaarfissat pillugit malittarisassat il. il. sakkortunerusut pillugit.

*Imm. 2.* Søfartsstyrelsi malittarisassiorsinnaavoq ilisimasortat namminersortut ilisimasortatut atorfeqartitanut sulinermi avatangiisit il.il. pillugit malittarisassianik atuuttunik malinninnissaat pillugu.

*Imm. 3.* Søfartsstyrelsi malittarisassiussaaq sulinermi avatangiisit, piffissat qasuersaarfissat il. il. pillugit nakkutilliinikkut iliuusissat pillugit.

## Kapitali 9

### *Ilisimasorta qarfiit*

**§ 18.** Ilisimasorta qarfiit nunami EU-mut/EØS-imut ilaasortaasumi inissisimaffeqassapput.

*Imm. 2.* (Kalaallit Nunaanni atortuulersinneqanngilaq).

*Imm. 3.* Erhvervs- aamma vækstministeri aalajangersaassaaq ilisimasortanik qanoq siusitsigisumik aamma qanoq-iliornikkut inniminniisarnissaq pillugu malittarisassanik erseqqinnerusunik.

*Imm. 4.* Erhvervs- aamma vækstministeri malittarisassiorsinnaavoq ilisimasorta qarnermi Danpilot-imit ingerlanneqartumi akiliutissat pillugit, ilanngullugit akit annerpaaffissaat pillugit aalajangersakkat.

*Imm. 5.* Danpilot namminersortunut suleqatigiinnissaq pillugu isumaqatigiissuteqarsinnaavoq pisussaaffimmik imm. 1-imi taaneqartumik naammassinninniarnissaq pillugu.

**§ 20.** Danpilot-ip ilisimasortanik inniminniissutit, ilisimasorta qarfinnut namminersortunut allagartalikkat akiliuteqartitsinikkut ingerlateqqissinnaavai.

*Imm. 2.* (Kalaallit Nunaanni atortuulersinneqanngilaq).

*Imm. 3.* (Kalaallit Nunaanni atortuulersinneqanngilaq).

**§ 21.** (Atorunnaarsinneqarpoq).

**§ 22.** (Kalaallit Nunaanni atortuulersinneqanngilaq).

## Kapitali 10

### *Aningaasaqarniarneq*

**§ 23.** (Kalaallit Nunaanni atortuulersinneqanngilaq).

## Kapitali 11

### *Nalunaarsuineq, nakkutilliineq il. il.*

**§ 24.** Søfartsstyrelsi ilisimasorta qartitsinernik, ilisimasortanik ilisimasorta qarfinnullu nakkutilliisuussaaq.

*Imm. 2.* Søfartsstyrelsi suliffeqarfiit, nunami maani ilisimasorta qarfittut ingerlatsisut pillugit nalunaarsuuteqassaaq.

*Imm. 3.* Imm. 2 naapertorlugu nalunaarsuisoqalersinnagu ilisimasorta qarfimmik ingerlatsisoqassanngilaq.

*Imm. 4.* Suliffeqarfik ilisimasorta qarfittut nalunaarsorneqarnissamik piunasaqassaaq,

1) § 18-imi patsisissaatitatut taaneqartut naammassisimassagunigit,

2) sillimasiisimaguni malittarisassanut imm. 6-imi aalajangersarneqartunut naapertuuttumik, aamma

3) pisortanut akilerneqartussangoreersunik annertuunik akiitsoqanngikkuni, tamatumani aningaasat 50.000 kr.-it sinnerlugillu pineqarput, taamaattor tak. imm. 5.

*Imm. 5.* Ilisimasorta qarfimmigi piginneqatigiiffittut il. il. ingerlanneqartumi pisortap aamma siulersuisuni ilaasortat tamarmik patsisissaatitaq § 12-imi, imm. 1, nr. 9-mi taaneqartoq naammassisimangippassuk Søfartsstyrelsip nalunaarsuutaani ilanngunneqarnissaq itigatinneqassaaq.

*Imm. 6.* Søfartsstyrelsi ilisimasorta qarfiit ingerlatsinerat pilugu erseqqinnerusunik malittarisassiussaaq, ilanngullugit ilisimasortat sillimmasigaanissaamut pisussaaneq, naatsorsuutit ilusilersugaanissaat, nammineerluni misissuisarneq, ilisimasorta qarfissatut inniminiinerit naammassisalluunniit aamma nakutilliisunut il. il. ingerlaartumik paasissutissiisussaaneq pillugit, aamma nassitseriaasissat pillugit.

**§ 25.** Suleqataasut ilisimasortanik nakkutilliinermik suliaqartut, ilisimasorta qarfinni nunap immikkoortuini ilisimasortaaffiginninnernik ingerlatsisuni, taakkualuunniit ingerlatsiviini soqutigisaqartuussanngillat.

*Imm. 2.* Inuit suleqataasunut ilisimasorta qarfinnik nakkutilliinermik suliaqartunut qanigisaasut suleqataasumut pineqartumut ilisimasorta qarfinni taakkualuunniit ingerlatsiviini soqutigisat pillugit ilisimatitsissapput. Ilisimatitsineq soqutigisaqalerneq sap. akunnersanik 1-imik kingoqqullugu pissaaq. Suleqataasup ilisimatitsissut nammineq ilisimatinneqareernerminiit sap. akunnera 1 qaangiuppat Søfartsstyrelsimut ingerlateqqissavaa.

*Imm. 3.* Inunnik suleqataasunut qanigisaasunik pineqarput inuit inuinnartut inatsisitigullu inunnut imm. 1-imi taaneqartunut tunngassuteqartut:

- 1) Aappaasut aapparisaatulluunniit inooqataasut,
- 2) Meeqqat ukiutigut inuuttut inummit imm. 1-imi taaneqartumit angajoqqaatut oqartussaaffigineqartut,
- 3) Ilaqutaasut allat, inuup imm. 1-imi taaneqartup illumi inoqutaani piffissami minnerpaamik ukiumi 1-imi ilaasimasut.
- 4) Inuit inatsisitigut attuumassuteqartut,
  - a) Inuk imm. 1-imi imaluunniit nr. 1-3-mi pineqartoq nammineq inummut inatsisitigut attuumassutilimmut siulersuisutigut akisussaaffiginnippat,
  - b) Inuit imm. 1-imi imaluunniit nr. 1-3-mi pineqartut namminneq ataasiakkaarlutik ataatsimoorlutilluunniit piginneqatigiiffimmi taasisinnaatitaanerit amerlanersaannik pigisaqarpata, piginneqatigiiffiup siulersuisuini ilaasortat amerlanersaannik toqqaasinnaanissamut tunuartsinissamulluunniit pisinnaatitaappata, piginneqatigiiffiup malittarisassai imaluunniimmi taassumunnga isumaqatigiissuteqarneq tunngavigalugit piginneqatigiiffimmut aalajangiisinnaasutut sunniuteqartussatut pisinnaatitaappata imaluunniit aktiaatilinnut isumaqatigiissutaqarneq tunngavigalugu piginneqatigiiffimmi taasisinnaatitaanerit amerlanersaannik atuinissamut pisinnaatitaappata imaluunniit piginneqatigiiffimmut aalajangiisinnaatitaappata aamma taasisinnaatitaanerit pingajorarterutaat sinnerlugit taasisinnaatitaappata,
  - c) Inuk inatsisitigut attuumassuteqartoq atorfeqartitaappat inuinnarmi imm. 2-mi imaluunniit nr. 1-3-mi pineqartumi aningaasatigut soqutigisat isumaginissaat siunertaralugu imaluunniit
  - d) Inuk inatsisitigut attuumassuteqartoq aamma aningaasatigut soqutigisaqarpat imm. 1-imi imaluunniit nr. 1-3-mi pineqartut inuinnarmi aningaasatigut soqutigisanut sanilliunneqarsinnaalluartunik.

**§ 26.** Søfartsstyrelsip aalajangersassavai akít ilisimasortanik nakkutilliinernut atuisut nakkutilliinernut, piukkunnaateqarnermik misilitsinnernut, allagartanik aamma ilisimasortaanginnissamut uppernarsaatinik tunineqarnissamut, nutarterinissanut il. il. akiliutissaat.

**§ 26 a.** Erhvervs- aamma vækstministeri malittarisassiorsinnaavoq pissutsit inatsimmi matumani malittarisassaniluunniit inatsit manna naapertorlugu suliaasuni pineqartut pillugit pisorta qarfinnut taakkunanngaanniillu allakkatigut attaveqatigiinnerit digitalitut pinissaat pillugu.

*Imm. 2.* Erhvervs- aamma vækstministeri erseqqinnerusunik malittarisassiorsinnaavoq digital atorlugu attaveqatigiittarneq pillugu, ilanngullugit it-ikkut attaveqaatinik aalajangersimasunik, digitalinik immikkut ittunik aamma digital signatur-inik assigisaannilluunniit atuinissaq pillugit.

*Imm. 3.* digital atorlugu nalunaarut annguttut naatsorsuunneqassaaq nassitsivigisamit atorneqarsinnaanngoruni.

**§ 26 b.** Erhvervs- aamma vækstministeri malittarisassiorsinnaavoq pisorta qarfiit aalajangiinernik allatigullu allakkiatut uppernarsaatinik inatsit manna imaluunniit malittarisassat inatsit manna naapertorlugu suliaasut malillugit atsiorneqanngitsunik, maskiinamik tamatumunngaluunniit assingusumik imaluunniit teknik atorlugu atsiornernik nuussivigisanik, suliarinnissinnaanissaat pillugu, aalajangiinermik uppernarsaammilluunniit suliarinnittup erseqqissumik kinaassusersinnaanissaanut qularnaarisussanik. Aalajangiinerit allakkatigullu uppernarsaatit taama ittut aalajangiinernut allakkatigullu uppernarsaatinut suliarinnittuniit atsiukkanut nallersuunneqassapput.

*Imm. 2.* Erhvervs- aamma vækstministeri malittarisassiorsinnaavoq aalajangiinerit allatigullu allakkatigut uppernarsaatit qarasaasiatigut paasissutissat kisiisa tunngavigalugit aalajangiinerullutillu suliaasut pisorta qarfimmik pineqartumik nassitsisuusutut taasiinnarnikkut tunniunneqartarnissaat pillugu.

## Kapitali 12

### *Ilisimasortatut allagartanik aamma ilisimasortaanginnissamut uppernarsaatinik il. il. arsarinnittarneq*

**§ 27.** Søfartsstyrelsip ilisimasortatut allagartaq imaluunniit ilisimasortaanginnissamut uppernarsaat arsarinnissutigisinnaavaa nalunaarsuiffinnilu ilisimasorta qarfittut nalunaarsukkaniit peersinnaallugu, ilisimasortatut allagartartaarnissamut, ilisimasortaanginnissamut uppernarsaammik pinissamut imaluunniit nalunaarsorneqarnissamut inatsimmi patsisissaatitat eqquutsinneqarunnaarpata.

*Imm. 2.* Taamaattorli ilisimasortatut allagartaq imm. 1 naapertorlugu taamaallaat § 12-imi, imm. 1, nr. 9-mi patsisissaatitaq kisimi eqquutsinneqarunnaarpata arsarinnissutaasinnaanngilaq, tak. § 29, imm. 1.

*Imm. 3.* Taamaattorli ilisimasorta qarfik imm. 1 naapertorlugu taamaallaat § 24-mi, imm. 4, nr. 3-mi patsisissaatitaq kisimi eqquutsinneqarunnaarpata nalunaarsuiffimmiit piarneqarsinnaanngilaq, tak. § 31, imm. 2 aamma 3.

**§ 28.** Ilisimasortatut allagartaq imaluunniit ilisimasortaanginnissamut uppernarsaat arsarinnissutaasinnaavoq,

1) piginnittuusooq ilisimasortatut allagartaq imaluunniit ilisimasortaanginnissamut uppernarsaat pillugu atugassaatanik, inatsimmi aalajangersakkanik imaluunniit inatsit naapertorlugu aalajangersakkanik unioqqutitsinermi pisuusimappat imaluunniimmi

- 2) pissutsissaqarpat piginnittuusup ilisimasortaasarnermik imaluunniit ilisimasortaajunnaarnermik ingerlatsiinnarnissaanut nalornisoortissaqartoq.

*Imm. 2.* Imm. 1, nr. 1, malillugu arsaarinninnissamik suliassami eqqartuussiviit aalajangiisuusassapput. Imm. 1, nr. 2 malillugu utertitsinissamik suliassani Søfartsstyrelsi aalajangiisuusassaaq, aalajangiinerlu piginnittuusumit eqqartuussivinnut suliassangorteqqullugu piumasarineqarsinnaavoq. Søfartsstyrelsip aalajangiinera eqqartuussivimmu misiliisitsinissamik piumasaqarsinnaanermik taamatullu piumasaqarnissami killissarititaasunik paasissutissartaqassaaq.

*Imm. 3.* Piginnittuusup eqqartuussivinnut saqqummiusseqqusissutaa Søfartsstyrelsilmi tiguneqareersimassaaq aalajangiinerup piginnittuusumut nalunaarutigineqarneraniit kingusinnerpaamik sap. akunneri 4 qaangiutsinnagit. Søfartsstyrelsip suliassaq najugarisami politimesterimut, eqqartuussivimmu eqqartuussisarnermik inatsimmi kapitali 81-imi malittarisassat malillugit saqqummiussisussamut, nassitutissavaa.

*Imm. 4.* suliaseeqqusinermik piumasaaqat kinguartitsigallarnissamik sunniuteqassanngilaq, eqqartuussiviulli eqqartuussutikkut aalajangersinnaavaa pineqartup suliassiissutimi sularineqarnerani ilisimasortatut inuussutissarsiumminik imaluunniit ilisimasortaanisamut pequsaannginnerminik ingerlatsiinnarnissaa. Eqqartuussut naammagittaalliuutitut, tamatumani arsaarinninnissaq inatsisinut naapertuussorineqarani, ingerlateqqinneqassappat, eqqartuussiviup eqqartuussuteqartuusup imaluunniit eqqartuussiviup saqqummiussiviusup aalajangersinnaavaa pineqartoq naammagittaalliuutitut suliassiisutit sularineqarnerani ilisimasortatut inuussutissarsiummik imaluunniit ilisimasortamik atueqqusinnnginnermik ngerlatsissanngitsoq.

**§ 29.** Ilisimasortatut allagartaq Søfartsstyrelsimi arsaarinnissutaasinnaavoq piginnittuusup pisortanut akilernerqartussanngoreersunik annertuunik akiitsoqarpat, tamatumani aningaasat 100.000 kr.-it sinnerlugillu pineqarlutik. Allagartaq piffissami ukiumit 1-imiit 5-inut sinnerlugilluunniit arsaarinnissutaasinnaavoq. Aalajangiineq paasissutissartaqassaaq eqqartuussivimmu misiliisitsinissamut pisinnaatitaanermik tamatumalu qaqugu pisinnaaneranik.

*Imm. 2.* Imm. 1 malillugu aalajangiineq aalajangiinermi pineqartumit eqqartuussivinnut saqqummiuteqquneqarsinnaavoq. Tamatuminnga piumasaqarneq Søfartsstyrelsimi tiguneqareersimassaaq aalajangiinerup pineqartumut nalunaarutaaneraniti kingusinnerpaamik sap. akunneri 4 qaangiutsinnagit. Søfartsstyrelsi pineqartoq pillugu suliassiissaaq inuunnaat eqqartuussisulersuussisarnerrattulli.

*Imm. 3.* Imm. 1 malillugu aalajangiineq sukkulluunniit qinnuteqarneq malillugu Søfartsstyrelsimi atorunnaarsinneqarsinnaavoq. Tamaatuminnga qinnuteqaat itigartinneqarpat qinnuteqartup piumasarisinnaavaa aalajangiinerup eqqartuussivinni misilinneqarnissaa, arsaarinninneq killissaa aalajangernagu pisimappat arsaarinninnermiillu ikinnerpaamik ukiut 5 qaangiutereersimappata aamma atorunnaarsitsinissap kingullermik eqqartuussutikkut itigartitsutaaneraniti ikinnerpaamik ukiut 2 qaangiutereersimappata.

**§ 30.** Ilisimasortaqarfik nalunaarsuiffinniit peerneqarsinnaavoq

- 1) ilisimasortaqarfik nalunaarsorneqarnissami atugassaatanik, inatsimmi aalajangersakkanik imaluunniit inatsit naapertorlugu aalajangersagaasunik unioqqutitsinermi pisuusimappat imaluunniit
- 2) § 13, imm. 2-mik sumiginnaasimappat imaluunniit § 15, § 17, imm. 3, aamma § 24, imm. 6 naapertorlugit aalajangersagaasunik malinnissimannippat.

*Imm. 2.* Imm. 1, nr. 1 malillugu nalunaarsuiffinniit piaanissamik suliassami eqqartuussiviit aalajangiisuusassapput. Imm. 1, nr. 2 malillugu nalunaarsuiffinniit piaanissamik suliassami Søfartsstyrelsi aalajangiisuusassaaq, aalajangiinerlu ilisimasortaqarfimmiit eqqartuussivinnut saqqummiuteqquneqarsinnaavoq. Søfartsstyrelsip aalajangiinera paasissutissartaqassaaq

eqqartuussivinni misiliisitsinissap tamatumalu pinissaanut piffissat killissaritat pillugit piunasaqarsinnaatitaanermik.

*Imm. 3.* Ilisimasortaqarfiup eqqartuussivinnut saqqummiussinissamik piunasaqaataa Søfartsstyrelsimi tiguneqareersimassaaq aalajangiinerup allagartaatilimmut nalunaarutaaneraniit kingusinnerpaamik sap. akunneri 4 qaangiutsinnagit. Søfartsstyrelsip suliassaq najugarisami politimesterimut nassiutissavaa, suliassamik eqqartuussivimmuq eqqartuussisanermik inatsimmi kapitali 81-imi malittarisassat malillugit saqqummiussisussamut.

*Imm. 4.* Suliassiissuteqarnissamik piunasaqarneq kinguartitsigallarnissamik sunniuteqassanngilaq, eqqartuussiviulli eqqartuussutikkut aalajangersinnaavaa ilisimasortaqarfik suliassap ingerlanneqarnerani ilisimasortaqartitsisarnermik ingerlatsisinnaassasoq.

**§ 31.** Ilisimasortaqarfik sullissinermini ilisimasortaqartitsisarunnaartoq nalunaarsuutiniit piiarneqassaaq.

*Imm. 2.* Ilisimasortaqarfik piginnittumit namminermit akisussaaffigineqartoq nalunaarsuutiniit piiarneqarsinnaavoq ilisimasortaqarfik piginnittuosorluunniit pisortanut annertuunik akilernerqartussanngoreersunik akiitsoqarpat, tamatumani aningaasat 100.000 kr.-it sinnerlugillu pineqarlutik.

*Imm. 3.* Ilisimasortaqarfik piginneqatigiiffittut ingerlanneqartoq nalunaarsuutiniit piiarneqarsinnaavoq, piginneqatigiiffimmi pisortasut imaluunniit siulersuisuni ilaasortat arlaat ataaseq arlallilluunniit pisortanut annertuunik akilernerqartussanngoreersunik akiitsoqarpata, tamatumani aningaasat 100.000 kr.-it sinnerlugillu pineqarlutik.

*Imm. 4.* Imm. 2 imaluunniit 3 malillugu arsaarinnittoqarpat § 29, imm. 2 aamma 3 taamatulli atortinneqassapput.

**§ 32.** Ilisimasortap allagartaanik imaluunniit ilisimasortaanginnissamut uppernarsaammik piginnittup imaluunniit ilisimasortaqarfiup ingerlatsineminik ingerlatsiinnarnissaa umiartorerup isumannaatsuunissaanut annertuumik aarlerinaateqarsorineqarpat Søfartsstyrelsi aalajangiisinnaavoq pisuni § 28, imm. 1, nr. 1-imi taaneqartuni arsaarinnikkallarnissamik imaluunniit § 30, imm. 1, nr. 1-imi taaneqartutut pisuni paaagallarnissamik eqqartuussiviup aalajangeereernissaata tungaanut.

## Kapitali 13

### *Aallartitaqarneq*

**§ 33.** (Atorounnaarsitaavoq).

## Kapitali 13 a

### *Naammagittaalliuutit*

**§ 33 a.** Erhvervs- aamma vækstministeri malittarisassiorsinnaavoq naammagittaalliorsinnaaneq, ilanngullugit Søfartsstyrelsip inatsit naapertorlugu aalajangiinerisa allaffissornikkut pisortaqarfinnut allanut saqqummiunneqarsinnaannginnerat pillugit, taamaattoq tak. imm. 2.

*Imm. 2.* Søfartsstyrelsip § 12 malillugu ilisimasortatut allagartamik, ilisimasortaanginnissamut uppernarsaammik § 14 malillugu itigartitsinerit, § 24, imm. 4 aamma 5 malillugit nalunaarsorneqarnissamik itigartitsinerit, ilisimasortatut allagartanik imaluunniit ilisimasortaanginnissamut uppernarsaatinik arsaarinninnissamik imaluunniit § 27, imm. 1

malillugu ilisimasorta qarfittut nalunaarsorneqarnerniit peerneqarnissamik aamma § 32 malillugu arsaarinnikkallarnissamik imaluunniit piiarneqarallarnissamik aalajangiineri Ankenævnet for Søfartsforhold naammagittaalliuutaasinnaapput, tak. imarsiornerup isumannaatsuunissaanik inatsit.

## Kapitali 13 b

### *Kalaallit Nunaata imartaani ilisimasortaasarnerit*

**§ 33 b.** Kalaallit Nunaata imartaani ilisimasortaasarnerit imarsiornerup isumannaatsuunissaa pillugu inatsimmi § 3, imm. 3 naapertorlugu peqqussutaasut, taamaallaat ingerlanneqarsinnaassapput ilisimasortamit, § 12-imut naapertuuttumik piffimmi pineqartumi ilisimasortaanissamut allagartalimmit.

*Imm. 2.* Erhvervs- aamma vækstministeri ilisimasorta qarfinnut isumaqatigiissuteqarsinnaavoq piffissap qaqugu pinissaa pillugu aalajangersarneqalersinnagu umiarsuarnut, imarsiornerup isumannaatsuunissaa pillugu inatsimmi § 3, imm. 3, naapertorlugu peqqussutaasut ilisimasorta qarinnissamut pisussaataasuni pineqartunut ilisimasortamik atugassiinissaq pillugu.

*Imm. 3.* Erhvervs- aamma vækstministeri malittarisassiorsinnaavoq ilisimasorta qarfiit naalagaaffimmit pigineqartut piffissatut aalajangigaaq sioqqullugu umiarsuarnut imarsiornerup isumannaatsuunissaa pillugu inatsimmi § 3, imm. 3, naapertorlugu peqqussutaasut ilisimasorta qarinnissamut pisussaataanermi pineqartunut ilisimasortamik atugassiisarneq pillugu.

*Imm. 4.* §§ 8 aamma 9-mi, § 11, imm. 3-mi, §§ 12, 14 aamma 16-18-imi, § 19, imm. 3-5-imi, § 20, imm. 1-imi, §§ 24-33 a aamma 34, imm. 1-imi, 4-mi aamma 5-imi aalajangersakkat atortinneqassapput ilisimasortanut imm. 1-imi pineqartunut.

## Kapitali 14

### *Pineqaatissiissutit il. il.*

**§ 34.** Pinerluttulerinermik inatsit malillugu pineqaatissiissutit eqqartuussutaasinnaapput kimulluunniit § 8-mik, § 11, imm. 3-mik, § 12, imm. 5-imik, § 14, imm. 4-mik, § 24, imm. 3-mik aamma § 25, imm. 1-imik 2-millu unioqutitsisumut.

*Imm. 2.* (Kalaallit Nunaanni atortuulersinneqanngilaq).

*Imm. 3.* (Kalaallit Nunaanni atortuulersinneqanngilaq).

*Imm. 4.* Aalajangersakkanik inatsit naapertorlugu suliaasunik unioqutitsinerni pinerluttulerinermik inatsit malillugu pineqaatissiissutissat eqqartuussutaasinnaapput.

*Imm. 5.* Unioqutitsineq piginneqatigiiffinnit il.il. (taakku sinnerlugit inatsisitigut ingerlatsisunit) unioqutitsineruppat inatsisitigut ingerlatsisuusut taamatulli akiliisitsissutissanut akisussaatinneqarsinnaapput.

*Imm. 6.* Pillaatissanik suliaasaq Kalaallit Nunaata avataani eqqartuussutaassappat, imaluunniit inuinnarmut imaluunniit ingerlatsivimmuut tunngasuussappat, tak. imm. 5., Kalaallit Nunaata avataani najugaqartumut imaluunniit pilersitaasumut, pineqaatissiissutinut taarsiullugu akiliisitaanermik imaluunniit parnaarussaaneermik pillaatissat eqqartuussutaasinnaapput.

## Kapitali 15

### *Atortuulersitsineq*

§ 35. Peqqussut atuutilissaaq ulloq 1. juli 2014.